

Polko Sokome Irisayó Mu Nakayáñoní

Topé Timoti ñuno Uró

Mande Kembé

Komo suki uni kato sokome ña **Grik** mandewore nakayáñaró, ko eneño owí nekaró, “Pol,” yaró. Uni ñuko **asáñowí uni** Pol nanje. (*1 Timoti 1:1* weyo qembe.) Timoti ñuko Pol koro kho kopo ka, iwí muko Grik uni ka, nimí muko Juda ñondutu pare ka. (*Asá yerewí Uni 16:1* weyo qembe.) Enendo Pol koya kho tero uyareyara. Itaka ñjo-ñjo uni kumimbo ñande ye ñjoyotenge, ko enendo kumima naru 64AD ñuno **Rom** ñuno kusi-kusi yano yotoro sokome ña nakayáñaró, peka. (Asa “64AD” murí muko ñandiro, ko Yesu nimí pisiyaró, yate kumima naru 64 ñunde rotaró. Nore kumima naru 2,000 ñunde rotoro yate itaka yoteto.)

Koretero, unindo Pol kusiyoyi **Rom** yendémo yora, asa 62AD ñuno peka **Rom** unindo re rotoyi toñero Spen mira andusina ñuno uyareró. Ñuno uyaro kho tero 63AD peka pitu ko Masedonia mirako ñuya Esia mirako ñuya ñuno Kiriti noko mosowímo ñuno kho taró. Ñu naruko ñuno enendo Efesus yendémo ñuno uro **unipare meté horé** ñuno rukiso yerewero quro Timoti ñuno re rotaró. Imemongo ta Polko pitu ko **Rom** yendémo ñuno oró. Oní **Rom** koro wiri yerete uni parámi keta qu, owí muko Nero, ñundo Anutu koro unipare o piyimi te yunoyangurí. Ñunde tiní 64AD ñuno kuma unindo pitu ko Pol toworo kusi-kusi yano rotaró. Ñu naruko nanje sokome ña nakayáñoro riní Timoti ñuno uró. Nakayáñaró, yate **Rom** unindo Pol uri khumaró.

1 ¹No Pol, Kristo Yesu koro asáñowí uni.^a Anutuko yoto-yoto Kristo Yesu^b quroko ñu nore nunowero ñuro mande kusiyaró. Asa ko eneño ñjo-ñjoyó howero yoto-yoto ñuro yesowowero quro no rokó nereró.

^a **1:1** “*asáñowí uni*” ñuko Yesuko rokóñoro asáñoní eneño khoýó taró. ^b **1:1** “*Kristo Yesu*” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yangurí. Juda unipareto uni maheweya ñu, “Kristo,” ma, “*Mesaiya*,” ye nekangurí. Asa Yesu mahiní eneño unipareyó, “Kristo Yesu,” ma, “Yesu Kristo,” nanje ye nekangurí.

²Timoti, keko nenejo nañone horé, nondo sokome ña kejo nakayáñoteno. Meté Anutu Awandoya Uni Paráminani Kristo Yesu koya samaka-samaka tuwó kunoro, sikíñge te kunoro newondeke riri ime yoweya.

Polko Timoti newondí rukisoyaró

³No ijo-ijo sara quwore Anutu koro khoyó usisambanembo tangurí ñu ñuya teyoteno. Ñunde tero Anutu yungunañoro kosa suwo kejo hariri teyoteno. ⁴Nondo tendoro toñengeporo sonoyó umbuyote ñuro iñoro pitu ko kiyowero kondé iñoyoteno. Ñunde kiyoroqo, ñingu-ningu parámi tewano. ⁵No ñande iñoteno, keto Yesu hamó iñondutuwoyote. Koretero umbike Lois koya náñge Yunis koya iñondutuwoyariyó, itaka ke ñuya ñunde nañge iñondutuwoyote.

⁶Ñunde ñuroko nondo, ijo-ijoke reweka otoqoní, yero iñoteno. Komo nondo kandene kembakemo rewe Anutuko puriño kunoní te sombé qembe newondekemo tunoqaró. Asa ko itaka te sombé ñu huwoka kañuya parámi qaní. ⁷Dokoro, Anutuko Yuqa nore nunaró ñuko nore noriní kama soreyoteto. Kini, ñu Yuqa ñundo nore wimbu nunoní unipare newonde meté yunoro yoto-yotonani kondé sopoyoteto.

⁸Ñunde ñuro Uni Paráminanimboró mandí yewero quro kowi piyo ma tewero, ko no eneño kusi-kusi uniyó, nenejo kowi piyo ma tewero. Kini, ke Anutu koro wimbí kondé ñu reya noya quhurí koroworo miti mande^c ye qembe. ⁹Anutuko rambaruru koñgo nore noraró, ko eneño unipareyó tunoqewero quro neko nereró. Quko enendo norendo kho ka tatowó ñuro iñoro kama neko yereró, kini. Anutu eneñoombo yero Kristo Yesuwore^d samaka-samaka tuwó^e nore nunaró. Hamó, komo suki, enendo oka kama towoyoní, o ñu nunowero ñuro, ye iñaró. ¹⁰Quko itaka, enendo Kristo Yesu, noreño Rambaruru Koñgo Norewero Uninani ñu tunomo tunoqaró quño ñuno samaka-samaka tuwó ñu rihimaró. Rihimoro miti mandewore kindo khumowero ñu riní umbuní yoto-yoto suki-suki rero hiyómo rotoní qeneyoteto. ¹¹Ñunde tero no rokó niriní miti mande ñuro yesowowero uni tunoqanowó, asáñowí uni^f tunoqanowó, rondaqe-rondaqe uni tunoqanowó. ¹²Ñu murí ñuro quhurí korowoyoteno. Quko ñuro kowi piyo kama teyoteno. Dokoro no dani karo iñondutuwoyanowó ñuro

^c 1:8 “*miti mande*” ñuko Anutuko *Kristo* asáñoní khumoro quhuríanimboró kimo tiní Anutu koya newonde kanata tewero ñuro mande meté mu nange. ^d 1:9 “*Kristo Yesu*” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yañgurí. Juda unipareto uni maheweya ñu, “*Kristo,*” ma, “*Mesaiya*,” ye nekañgurí. Asa Yesu mahiní eneño unipareyó, “*Kristo Yesu,*” ma, “*Yesu Kristo,*” nange ye nekañgurí. ^e 1:9 “*samaka-samaka tuwó*” ñuko Anutu eneñoombo nore samaka yereyote. Kimoyó moré kini. ^f 1:11 “*asáñowí uni*” ñuko Yesuko rokóñoro asáñoní eneño khoyó taró.

ijomukoteno. Ko n̄ande ijoyoteno, enendo neneño re inanowó n̄u meté kawaware tiní naru weña quno^g n̄uno meté yowano.

¹³Komo nondo mande meté rondaqe kunanowó. Asa Kristo Yesuwore ijondutu meté tero newonde meté yunoro mande n̄u towoya howe qembe. ¹⁴Asa keto Yuqa Surumí quronanimo yote n̄uro wimbímbo mande meté kunaró n̄u kawaware te qembe.

¹⁵Ke n̄ande ijote, Esia mira parámimo n̄uno uni soso, Pikelus ko Heromokenes n̄uya, n̄u soso no norotomukan̄gurí.

¹⁶Uni Parámimbo Onesiporus koya suwisawiyómboya sikíye te yunoní. Dokoro enendo naru qambu no newondene riní meté taró. Ko enendo no kusi-kusi yano yoteno n̄uro kowi piyo kama teyote. ¹⁷Kini, Rom yendémo n̄ano mahero koweyumu tero no seqa nereyate niyaró. ¹⁸Uni Parámimbo naru weña quno sikí te inoní. Ke n̄ande ijomukote, enendo Efesus yendémo n̄uno naru qambu no samaka nereyara.

Timotiko Kristo Yesu koro kuma uni

qembe kondé kañeweya

2 ¹Asa, nene nan̄one, Kristo Yesu^h koro samaka-samaka tuwóⁱ reya kondé kañeyoto. ²Ko mande soso nondo unipare toñeyemo yewe in̄aró, mande n̄u reya uni topo otete meté howeyotengo n̄u yunoyika enepa nan̄ge rondaqero uni meyowo yunowan̄go. ³Kristo Yesu koro kuma uniyó qembe noya quhurí korowo qembe. ⁴Uni ka kuma unindoro kho teyote n̄uko kho enesó-enesó meyowo n̄u n̄uya kama towoyoweya. Kini, eneño sopo-sopoyómbó ene qenero niñgu-niñgu teweya n̄uro ijoyote. ⁵Uni kato epe taka-taka tero khen̄gen̄ote n̄uko wimbo-wimbo toñete khen̄gen̄oweya tiníqo, kimo meté mu kama reweya. ⁶Uni kato koweyumu tero kho gima tero rimiro sopoyote n̄uko o newero korete qu se neweya. ⁷Asa mande yeteno n̄aro kusumbo reya rondaqe qembe, dokoro Uni Parámimbo ijo-ijoke riní murí soso in̄i tondañeweya.

⁸Asa Yesu Kristo n̄uro ijo. Enendo uni tapu koñgo otoqaró, n̄uko Dewit^j koro sowe qu. Miti mande^k n̄u yeyoteno. ⁹Ijunde n̄uroko quhurí korowoyoteno.

^g **1:12** “naru weña” n̄uko naru *Kristoko* pitu ko mahero unipare soso ronda yerero Anutuko o soso hamó wiriwowyeya. (1 Tesalonaika 2:19; 5:23 koya 1 Korin 15:24-28 weyo qembe.) ^h **2:1** “Kristo Yesu” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yan̄gurí. Juda unipareto uni maheweya n̄u, “Kristo,” ma, “*Mesaiya*,” ye nekan̄gurí. Asa Yesu mahiní eneño unipareyó, “Kristo Yesu,” ma, “Yesu Kristo,” nan̄ge ye nekan̄gurí. ⁱ **2:1** “*samaka-samaka tuwó*” n̄uko Anutu eneñombo nore samaka yereyote. Kimoyó moré kini. ^j **2:8** “*Dewit*” - komo suki Dewitko Israel uniparetoro wiri yerete uni taró. Anutuko Dewit kondé ijo inaró, ko yate-yate Israel unipare n̄uyako Dewit kondé ijo inañgurí. ^k **2:8** “*miti mande*” n̄uko Anutuko *Kristo* asáñoní khumoro quhurínanimboró kimo tiní Anutu koya newonde kanata tewero n̄uro mande meté mu nan̄ge.

Hamó, unindo no norero uni piyimi qembe kusi nerengurí. Quko Anutu koro mande ñu kusiyowero mepémo kini. ¹⁰Ñu murí ñuro no Anutuko unipare rokó yereró ñu samaka yerewero quro quhurí soso ña korowoyoteno. Ñunde teweqo, enendo Kristo Yesuwore rambaruru takaro owé parámi rero suki-suki yowaŋgo. ¹¹Asa ña mande ñako mande hamó mu,

dokoro, nore eneya khumatowó tiníqo,
eneya suki-suki yowato.

¹²Nore quhurí koroworo kondé kañewato tiníqo,
eneya uni kembé tunoqewato.

Asa norendo ene huwóñoyoteto tiníqo,
enendo ñuya nore huwó nereweya.

¹³Norendo mande ka yatowó ñu kama howeyoteto tiníqo,
enendo mandí yaró ñu watí howeyoweya,
dokoro mandí yaró ñu rotowero mepémo kini.

Anutu koro kho uni meté

¹⁴Naru rokóño mande ña unipare yuno qembe. Yunoro Anutu toñímo oresaka mande yunoro ñande yimito qembe, asa ye mande enesó-enesó quro kiro mande ma yewero. Kiro mande ñundoko o meté mu kama riní tunoqeyote. Kini, kiro mande ñundoko unipare iñoyotenggo ñu rowore yereyote. ¹⁵Asa, keto mande hamó ñu okeyá ta rondaqe yunoro Anutu toñímo kho uni meté kañewero ñuro kondé iño qembe. Ñunde tero kowi piyo kama teweya. ¹⁶Keto wuruwara uni mande piyimi yeyotenggo ñu huwó yere qembe, dokoro uni ñunde qundo yate-yate Anutu huwóñomukowaŋgo. ¹⁷Huwóñoro mandeye muko mama parámi tero koweye kimboñeyote ñunde qembe parámi tero usayeweya. Asa Himeneus, Piletus, irisa ñuko uni ñunde qu yotiri. ¹⁸Enendo mande hamó takaro rotariyó. Dokoro ñande yeyotiri, “Unipare khumañgurí qundo pitu ko otoqowaŋgo ñu koma tunoqaró,” yero kumimboró iñondutuye roworemoyotiri. ¹⁹Quko Anutuko eneño huru-huru koro tatá kondé qembe koma rañoní kañeyote. Tatá sañano mande ñande nakayáñaró, “Uni Parámimbo eneño unipareyó iñomukote.” Ko mande kañuya, “Ye soso Uni Parámimboró owí nekoyotenggo, ye otete piyimi ñu huwóñi.”

²⁰Ya parámi ka quroko ñuno kondó kumi golpo towañgurí qu, kumi silwapo towañgurí qu¹ ñuno yotenggo. Ñuya kondó kumi kewámbo towañgurí qu, kumi nokopo towañgurí qu ñuno yote. Kumi muko kondó meté, kumi muko kondó soro-soro moré. ²¹Ñunde ñuro uni kato otete piyimi ñu se rotoro ene sara teweya tiníqo, ñuko kondó meté mu ñunde

¹ 2:20 “golpo towañgurí, silwapo towañgurí” - gol koya silwa koyako o aini kekere qu, kimo parámi tetiri.

qembe yoní enejo uni parámíyómbo njuro metéjoweya ko kho meté tewero njuro kañeweya.

²² Simó keta qundo o enesó-enesó qene nuñguwoyotenggo. Asa naru rokóñoro ke enejo iño-iñoye njuro qene sorero sewemo yoto qembe. Ko unipare soso newondeye sara tiní Uni Parámi nekoyotenggo quya otete ronenejowí,^m iñondutu meté mu, newonde meté yunowero murí ñu, newonde ime, ñu soso kondé seqayoto qembe. ²³ Ko mande enesó-enesó wimbo yeyotenggo ñu huwóño qembe. Dokoro ke ñande iñote, ko mande ñunde qundo kuma nañge riní tunoqeyote. ²⁴ Hamó, Uni Parámimboro kho uni kato kiro kuma kama teyoweya. Kini, enendo o meté nañge te yunoro mande rondaqé yunoro o piyimi njuro topé kama teyote. ²⁵ Enendo uni ene pitoyotenggo qu imemo iño-iñoye roñgaruwoweya. Ñunde tiní Anutuko samaka yiriní newonde rohoré tero mande hamó iñoyi tondañini ²⁶ iño-iño meté rero Monimbu koro powera takawañgo, peka. Dokoro Monimbuko kusi yiriní enejo iño-iñoyó howeyotenggo.

Naru weña qunoko otete piyimi horé tunoqeweya

3 ¹ Quko ke ñande iño. Naru weñaⁿ quno ñunoko o quhurí qambu tunoqeweya. ² Dokoro uni kumimbo eneñomboro nañge iñoyowañgo, ko mone koro kondé iñoyowañgo, ko enejo owéye hokoyowañgo, ko wire-wire teyowañgo, ko Anutu yesaráñoyowañgo, ko awa-náye mañgoye wendaqeyowañgo. Enendo o meté mu njuro kama metéñoyowañgo, ko Anutu koro oteteyó njuro piyimiñowañgo. ³ Enendo topo tewero mepémo kini, ko topoyemboro quhuriye kama rotoyowañgo, ko yesará yereyowañgo, ko enejo koweye sañaní meté kama sopoyowañgo. Enendo sañgiri tero uni rambaruru yereyowañgo, ko o meté njuro sañgiri parámi tewañgo. ⁴ Enendo turiri uni topo-topoye re yunoyi yurowañgo, ko iño-iñoye wimbo-wimbo ñu waka ta howeyowañgo, ko enemboro iñi oweya. Enendo kowe sañanímboro nuñguríño ñu howewañgo, quko newonde meté Anutu kama inoyowañgo. ⁵ Enendo Anutu koro murí wimbo-wimbo howewañgo, quko otete njuro wimbí ñu ri umbuweya. Ke uni ñunde njuro wosoya sewemo u qembe. quno ñunoko o quhurí qambu tunoqeweya.

⁶ Dokoro uni piyimi ñunde qundo pare kumimboya topo tero iño-iñoye kusiyoyotenggo. Pare ñu iño-iñoye moré kini, ko quhuriye qambu ñundo iño-iñoye soporo newondeye okokowoní nuñguriye enesó-enesómbo yowosoní wimbo-wimbo uyotenggo. ⁷ Ñu pare ñundo mande kumi watí reyotenggo, quko mande hamó ñu kama qene iñoyotenggo.

^m **2:22** “otete ronenejowí” ñuko Anutuko nore rokó yiriní noreño murínani enejo murí howeyote. ⁿ **3:1** “naru weña” ñuko naru *Kristoko* pitu ko mahero unipare soso ronda yerero Anutuko o soso hamó wiriyoweya. (1 Tesalonaika 2:19; 5:23 koya 1 Korin 15:24-28 weyo qembe.)

⁸Uni piyimi ŋuko, asa komo Janis koya Jambres ŋundo Moses koya saŋgiri tariyó, ŋunde naŋge uni piyimi ŋundo mande hamó ŋuro saŋgiri teyotengo. Iŋo-iŋoye muko piyo taró, ko iŋondutu hamó kama taŋguri. ⁹Quko uni soso oteteye kape-kape ŋu qenero wisumuŋoyi oteteye piyimi ŋu sowe tewero mepémo kini. Iŋunde naŋge komo unindo Janis koya Jambres koya otete kape-kapeyari qeneyanŋo ŋundiro.

Polko Timoti mande kondé kumi miraró

¹⁰Quko keto neneŋo o soso ŋu iŋomukote, asa mande rondaqe yunanowó mu, khe u-une, otetene ŋuro murí, iŋondutu kondéne, mondó ta yowero muríne, newonde meté yunowero muríne, quhurí korowowero muríne, ŋuro iŋomukote. ¹¹Hamó, keto o piyimi te nunaŋguri ŋu, kowe surumí tanowó ŋu, Antiok yendémo, Aikoniam yendémo, Listira yendémo ŋuno o soso nono tunoqaró, ke ŋuro iŋomukote. Asa quhurí enesó-enesó nono tunoqaró, quko Uni Parámimbo ŋu noŋgo noraró. ¹²Iyo, uni soso Kristo Yesu^o koya womoro Anutu koro otete qu howeyotengo, uni saŋgirimbo uni ŋunde qu o piyimi te yunoyowanŋo. ¹³Ko uni piyimi ŋuya uni kota-kota ŋuya o pi-piyimi tero unipare kaná yerero eneŋo ŋuya kaná yerewanŋo.

¹⁴Quko keto mande iŋoro iŋondutuwoyaró ŋu kondé towo qembe. Dokoro danimbo mande ŋu rondaqe kunaŋguri ŋu iŋo yunomukote, ¹⁵ko ke simó tomó ta yotoro, yate-yate Anutu koro sokome surumí moŋgo iŋo-iŋo raró. Iŋu sokome ŋundo iŋo-iŋo kunoní, Kristo Yesu iŋondutuwoyi, Anutuko rambaruru koŋgo koreweya. ¹⁶Anutu eneŋombo mande soso sokomeko^p ŋuno yote qu riní tunoqaró. Mande meté ŋundo nore iŋo-iŋo yunoro, quhurínani roŋgaruwo, khe u-unani ŋu roneneŋoro, otete roneneŋowí^q ŋuro murí rondaqe yunoyote. ¹⁷Iŋunde tero mande ŋundo Anutu koro unipare yoriní kho soso meté teyowanŋo.

Naru rokóŋoro Timotiko Anutu koro mande yeweya

4 ¹Kristo Yesu^r pitu ko mahero unipare yotengo quya khumaŋguri ŋuya ronda yereweya. Mahero unipareyó hamó wiri yereweya. Iŋunde ŋuroko eneŋo toŋímo, ko Anutu koro toŋímo mande kondé ŋa

^o **3:12** “Kristo Yesu” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋguri. Juda unipareto uni maheweya ŋu, “Kristo,” ma, “*Mesaiya*,” ye nekaŋguri. Asa Yesu mahiní eneŋo unipareyó, “Kristo Yesu,” ma, “Yesu Kristo,” naŋge ye nekaŋguri. ^p **3:16** “sokome” ŋuko Anutu koro mande korete qu, asa Murí Tero yate Malakai kini tete. ^q **3:16** “*otete roneneŋowí*” ŋuko Anutuko nore rokó yiriní noreŋo murínani eneŋo murí howeyote. ^r **4:1** “Kristo Yesu” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋguri. Juda unipareto uni maheweya ŋu, “Kristo,” ma, “*Mesaiya*,” ye nekaŋguri. Asa Yesu mahiní eneŋo unipareyó, “Kristo Yesu,” ma, “Yesu Kristo,” naŋge ye nekaŋguri.

kimiroteno, ²naru rokóŋoro Anutu koro mande yesowoyoto qembe. Hamó, naru metémo, ko naru piyimimo yesowowero khe quno kaŋe qembe. Naru rokóŋoro newonde ime teya, mande hamó rondaqe unipare yunoya, khe u-uye roneneŋo qembe, oteteye piyimi mu roŋgaruwo qembe, newondeye rukisoyo qembe. ³Dokoro, imemoŋgo unipareto mande roneneŋowí ŋuro piyimiŋowaŋgo. Piyimiŋoro rondaqe-rondaqe uni enesó-enesó qambu seqa yerewaŋgo. Ŋuro tero rondaqe-rondaqe uni ŋunde qundo uniparetoro oteteye piyimi ŋuro, “Meté,” yero quhurí kama yunowaŋgo. ⁴Ŋunde tiqo, unipareto mande hamó ŋu huwóŋoro kina mande enesó-enesó ŋuro kusumbo rewaŋgo. ⁵Quko naru rokóŋoro koweke sopoyoto qembe. Kowe surumí ŋu korowoyoto qembe. Mande wisiyoro unipare yunowero ŋuro kho kondé teyoto qembe. Khoke soso temukoyoto qembe.

Polko ene khumoweya ŋuro yaró

⁶Dokoro, no sitúne windoroŋowe tete, ko roto toŋewero narune tukuni tete. ⁷Khe u-unemo kuma meté tanowó, kheŋeŋoro wimbí tero takawe kini taró, Anutu iŋondutuwororo kama rotanowó. ⁸Asa ko kimo meté parámi rewano. Kimo ŋuko otete roneneŋowí^s ŋuro kimoyó. Naru weŋa quno^t ŋuno Uni Parámi, ŋu Ronda-ronda Uni roneneŋowí mu, ŋundo topé meté ŋu nunoweya. Ko unipareto ene maheweya ŋuro kondé sopoyoteŋgo ŋu ŋuya kimo ŋu rewaŋgo.

Timotiko waka ta Polko uyareweya

⁹Kho kondé teya waka ta nono mahe qembe. ¹⁰Dokoro Demas ŋuko o nokono yote ŋuro hamó iŋoro norotoro Tesalonaika yendémo ŋuno toŋeró, ko Keresens norotoro Galesia mirako uró, ko Taitus Dalamesia mirako uró. ¹¹Lukiko nanŋe noya yorote. Asa keto Mak rero mahiri qembe, dokoro enendo khonemo horowe nereyote. ¹²Nondo Tikikus asáŋowe Efesus yendémo ŋuno uró. ¹³Komo kowe punu-punu piru^u ka Tiroas yendémo topone Karupus koya rotanowó. Ŋuya neneŋo sokome ŋu soso siyika mahiní. Asa sokome makao kowímbo towaŋguri ŋu ma rotowero.

¹⁴Aleksanda, ŋu o aini towoyote uni, ŋundo o pi-piyimi te nunaró. Uni Parámimbo eneŋo khoyó ŋu soso quro topé piyimi teweya. ¹⁵Ke ŋuya eneŋo toŋete sopoyoto qembe, dokoro mande yatowó ŋuro saŋgiri parámi taró.

^s 4:8 “otete roneneŋowí” ŋuko Anutuko nore rokó yiriní noreŋo murínani eneŋo muri howeyote. ^t 4:8 “naru weŋa” ŋuko naru *Kristoko* pitu ko mahero unipare soso ronda yerero Anutuko o soso hamó wiriyoweya. (1 Tesalonaika 2:19; 5:23 koya 1 Korin 15:24-28 weyo qembe.) ^u 4:13 “kowe punu-punu piru” ŋunde qu unipareto kowe punu-punuye meywoto weheŋoyanguri.

¹⁶Naru korete mande khono kaŋanowó quno ŋuno uni kato no kama samaka nereró. Kini, unipare soso norotaŋgurí. Meté Anutuko quhuríye ŋuro kama iŋoweya. ¹⁷Quko Uni Parámi eneŋombo sopo nerero wimbu kondé nunaró. Ŋunde ŋuro no miti mande ŋu mepémo yewe uni wini meyo^v soso ŋundo iŋoyanŋo. Ko Anutuko no lai^yon^w maŋgoye moŋgo noraró. ¹⁸Ko Anutuko o soso piyimi te nunowaŋgo ŋu noŋgo noriní eneŋo yendé samboko yote ŋuno meté owano. Owí suki-suki hokato. Ŋu hamó.

Polko unipare kumi yuŋguna yereró

¹⁹Asa Prisila, Akwila ko Onesiporus koro suwisawiyó ŋu ye yuŋguna yere qembe. ²⁰Erasitusko Korin yendémo yorote, ko Tiropimus se khumo tiní Miletus yendémo rotanowó. ²¹Kho kondé tero kutiti naru kama teyoníqo mahe qembe.

Asa Yúpulus, Putens, Linus, Kolotia ko Anutu koro unipare soso ŋundo ke yuŋguna kereteŋgo.

²²Uni Parámimbo keŋo yuqaŋepoya yoní. Anutu koro samaka-samaka tuwó^x yeya yoní.

^v 4:17 “uni wini meyo^w” ŋunde quko Juda unipare kini qu naŋge. ^w 4:17 “lai^yon” ŋuko númbowe parámi ka, pusi qembe, quko wimbí moré, mití parámi. ^x 4:22 “samaka-samaka tuwó” ŋuko Anutu eneŋombo nore samaka yereyote. Kimoyó moré kini.